

**Sud Bosne i Hercegovine**  
**Суд Босне и Херцеговине**

Broj: S1 3 Iž 043809 22 Iž  
Sarajevo, 31.08.2022.godine

IZVORNİK

Sud Bosne i Hercegovine u Sarajevu, u apelacionom vijeću sastavljenom od sudija Mirsade Džindo kao predsjednika vijeća, Zvezdane Antonović i Mirka Božovića kao članova vijeća, odlučujući o žalbi političke stranke Partija demokratskog progresa-PDP, Banja Luuka, ulica Prvog krajiškog korpusa 130, koju zastupa predsjednik Branislav Borenović, izjavljenoj protiv Odluke Centralne izborne komisije Bosne i Hercegovine, broj: 05-1-07-5-2710/22 od 25.08.2022.godine, u postupku kršenja člana 16.14. stav 3. Izbornog zakona BiH, u nejavnoj sjednici, održanoj dana 31.08.2020.godine, donio je

**R J E Š E N J E****Žalba se odbija.****O b r a z l o Ź e n j e**

Odlukom Centralne izborne komisije Bosne i Hercegovine, broj i datum navedeni u uvodu utvrđeno je odgovornost političke stranke Partija demokratskog progresa-PDP (kod 00440) iz razloga što je Jelena Trivić, kandidatkinja ove stranke za predsjednika Republike Srpske na svom Facebook profilu vodila plaćenu izbornu kampanju prije službenog početka izborne kampanje, pa joj je izrečena novčana kazna u iznosu od 3.000,00 KM zbog kršenja pravila ponašanja iz člana 16.14. stav 3. Izbornog zakona Bosne i Hercegovine.

Protiv navedene odluke žalbu je izjavila politička stranka Partija demokratskog progresa-PDP zbog povrede odredbi o postupku, pogrešno utvrđenog činjeničnog stanja i pogrešne primjene materijalnog prava, kao i zbog visine izrečene novčane kazne. Ističe da je pobijana odluka formalno nezakonita jer je dispozitiv nepotpun i ne daje jasan stav o prekršaju i primjenjenom pravu. Smatra da je CIK BiH prekoračila granice utvrđene pojmom izborne kampanje iz člana 1.1 stav 6. i člana 16.14 stav 3. Izbornog zakona, kao i odredbe člana 2. stav 1. tačka a) Pravilnika o medijskom predstavljanju. Dalje ističe da je riječ o realizaciji dužnosti Jelene Trivić kao narodnog poslanika, kao javnog dužnosnika i da je navedeno stvar redovnog govora. Ne spori da se radi o plaćenom političkom oglašavanju ali je pogrešno u kontekstu kampanje i zabranjenog, te da CIK BiH ne može poistovjetiti nastupe javnih dužnosnika i drugih kandidata na budućim izborima. Smatra da je kazna previsoka te da se nije vodilo

računa o kojim ranijim kažnjavanjima se radi kao i da nisu obrazložene odlučne činjenice koje su bile od uticaja pri odmjeravanju kazne.

U odgovoru na žalbu Centralna izborna komisija Bosne i Hercegovine je predložila da se žalba odbije kao neosnovana.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da je žalba neosnovana iz sljedećih razloga:

Prema odredbama člana 16.14. stav 3. Izbornog zakona Bosne i Hercegovine („Službeni glasnik BiH“, broj: 23/01 do 32/10), „zabranjeno je vođenje plaćene izborne kampanje putem elektronskih i printanih medija ili bilo kojeg oblika plaćenog javnog oglašavanja, osim održavanja internih skupova organa i statutarnih tijela političkih subjekata, u periodu od dana raspisivanja izbora do dana službenog početka izborne kampanje“.

Iz spisa je vidljivo da je u konkretnom slučaju utvrđeno da je Partija demokratskog progresa-PDP odgovorna što je Jelena Trivić kandidat ove političke stranke za predsjednika Republike Srpske na svom Facebook profilu vodila plaćenu izbornu kampanju prije službenog početka izborne kampanje dana 27.07.2022.godine. Iz obrazloženja pobijane odluke je utvrđeno da je CIK uvidom u dostavljeni screenshot utvrdila da je isti sponzorisan, što je nesporan dokaz vođenja plaćene izborne kampanje, a odgovornost političke stranke je zasnovao na činjenici da je Jelena Trivić kao kandidat predsjednika Republike Srpske predložena ispred ove političke stranke i kao takva ovjerena za učešće na Općim izborima 2022.godine.

Iz obrazloženja odluke proizlazi da je žalitelju izrečena sankcija na osnovu člana 19.9. stav 1. tačka t) Izbornog zakona BiH, kojim je predviđeno da će se kazniti politički subjekt novčanim iznosom od 1.000,00 KM do 10.000,00 KM ukoliko vodi izbornu kampanju od dana raspisivanja izbora do dana službenog početka izborne kampanje. Iz izvedenih dokaza je vidljivo da je CIK svojom odlukom utvrdio da je kandidatkinja žalitelja Jelena Trivić na svom Facebook profilu vodila plaćenu izbornu kampanju prije službenog početka izborne kampanje upoznavajući javnost i birače sa svojom kandidaturom i kritikujući svog direktnog političkog protivnika za funkciju predsjednika Republike Srpske, Milorada Dodika na predstojećim izborima..

Nesporno je da je Jelena Trivić aktuelni narodni poslanik u Narodnoj skupštini Republike Srpske, ali isto tako je imenovana za kandidatkinju političke stranke Partija demokratskog progresa-PDP na predstojećim izborima 2022.godine, pa je pravilan zaključak CIK BiH da njena poruka na društvenoj mreži Facebook „Kako se približe izbori tako Bakir i Dodik jedan drugom nabacuju loptu na volej..., i dobro igraju uloge pred svake izbore, dižući i ovaj put nacionalne tenzije, što je njihov oprobani recept, dok su iza scene najbolji saradnici koji jedan drugom pomažu“ se cijeni kao promocija političkog subjekta jer ista na nedvosmislen način upozna je birače sa aktivnostima i programom rada navedene političke stranke na način da je poslala poruku svojim političkim protivnicima, i u prvi plan stavila svoju kandidaturu. Iz tog razloga su i neosnovani navodi žalitelja da je CIK BiH donošenjem pobijane odluke prekoračila granice utvrđene pojmom izborne kampanje iz člana 1.1 stav 6. i člana

16.14 stav 3. Izbornog zakona BiH, te oodredbe člana 2. stav 1. tačka a) Pravilnika o medijskom predstavljanju.

Nemaju osnova ni navodi žalbe da je novčana kazna previsoko odmjerena. Naime, CIK BiH je prilikom odmeravanja kazne cijenila činjenicu da je žalitelj prethodno bio kažnjen zbog plaćene izborne kampanje i zbog plaćenog javnog oglašavanja prije zvaničnog početka izborne kampanje i to u iznosu od 1.000,00 KM, što je zakonski minimum zbog sponzorisanе objave PDP-OO Doboj kojim se poziva na skup/razgovor sa Jelenom Trivić, te u iznosu od 1.700,00 KM zbog sponzorisanе objave na društvenoj mreži Facbook objavljene od strane Duška Stanivukovića, kandidata ove političke stranke na predstojećim izborima, te sponzorisanе objave na Facebook objavljene od strane Jelene Trivić. Iz navedenih razloga jasno je da se radi o predizbornoj kampanji u kom periodu je zabranjeno plaćeno oglašavanje u smislu člana 16.14 stav (3) Izbornog zakona BiH, te da će se izrečenom kaznom postići svrha kažnjavanja.

Iz svih izloženih razloga ovo vijeće je osporenu odluku, ocijenilo u potpunosti pravilnom i zakonitom, slijedom čega je žalbu, primjenom odredbe člana 81. stav 1. Zakona o upravnim sporovima Bosne i Hercegovine („Službeni glasnik BiH“ broj 19/02 do 74/10) valjalo odbiti.

PREDSJEDNIK VIJEĆA  
S U D I J A  
Mirsada Džindo